

## КОМИ КОМСОМОЛЕЦ

ЮНМӨДНЫ КОМСОМОЛ-  
ЛЫС ОБОРОННӨЙ УЖ!

„Сөветскöй Союзса том поколеніе обязан гөтөвѣтны ассö ассыс рѣѣнасö быдѣкас опасностјасыс да сы вылö врагјасан быдѣкас покушеніејасыс дорјіг кежлö... Соціалістическöй отечествос беззаветнöја дорјом, сылыс вынјорсö, благосостојаніесö да славасö юнмөдөм ем ме-са свјатöј да кровнöј об-язанност ВЛКСМ-са шлен-лөн.

ВЛКСМ воспитывајтö томјөзсö социалістическöй рѣѣналыс врагјаскөд тыш вылö сөветскöй правітелст-во первој чукөстөм серті сувтны даслун самөн.

ВЛКСМ нүддö томјөз пöвсын военнöй тöдöмлун-јас пропагандірујтөм, актївнöја участвутö общест-веннöй обороннöй органи-зацияс ужын да добивајт-чö, медем быд комсомолец нöшта арміја да флот рад-јасö пыртöз овладејтис мет-кöја лысан іскусствоөн ізучітис военнöй специаль-ностјасыс бтөбсö.

Таö обязывајтö комсо-молскöй организацијасöс да торјөн быд комсомоле-цöс ВЛКСМ-лөн программа.

Комсомол—осоавіахімлөн душа і сөлөм. Быд комсо-молец обязан лоны актїв-нöй шлендөн осоавіахімскöй организацијаын, петкөдлыны аслас возмөстчөмөн прїмер томјөзлы, воспитывајтны најбс.

Быд комсомолскöй орга-низацијалөн медвозга мог—нүдны быдлунја оборон-нöй уж, гөтөвѣтчыны аслы-ныс да гөтөвѣтны томјөзсö став мірын коммунизм тор-жество вöсна возö лөыс схваткајас кежлö. Воспиты-вајтны томјөзын сөветскöй патріотизм чувствојас, ас-ланис рѣѣна-мам дінö пом-төм преданност да радеј-төм.

Торјөн јоса тајö могја-сыс сувтөны өні, кор во-на öзтыс фашистјас мїхора-дочнöја пестөны выл мїрöв-вöј војналыс бї, кор јапон-скöй самурајјас петöвы ас-ланис пöганöј ку пісыныс СССР-öс војна вылö прово-цірујтөмын, мїјан свјашшен-нöј дальневосточнöј рубеж-јас вылын лыдтөм наглöј провокаціјајасын. Красно-знамјоннöј дальневосточнöј фронтса доблестнöј боец-јас нöшта öтчыд сетісны предметнöј урок женыд памета самурајјаслы, мїј мијан рѣѣналдөн граница-сыс неприступнöјөс да мїј сїјö рубежсö быд восков-тыс вылö усö великöй сө-ветскöй народлөн пöшща-датөм, ставсö бырөдыс скöрлун. Эвермөм јапон-скöй самурајјас асланыс мышку вылын іспытајтис-ны сөветскöй правітелство-лыс чорыд політікасö.

Өні Ленинско—Сталин-скöй комсомол да сөветскöй томјөз лөсөдчөны XXIV-öд

Международнöй Јуношескöй Лун празднунтїг кежлö, кöді таволөсалö ВЛКСМ-лөн XX-öд годовшціна кежлö лөсөдчөмкөд. Тајö історі-ческöй лун кежлас комсо-молецјас да томјөз воёны выл замечателнöј успеха-сөн, патріотическöй чувст-војасөн тырөмөн, најö лө-сөдчөны асланыс рѣѣна-мамлы достојнöј пöдаркі-јас і на пöвсын јона ыжыд-жык јукöныс вескыда јон-мөдөны Сөветскöй Сојуз-лыс обороннöй вынјорсö—сдајтөны нормајас оборон-нöј значокјас вылö.

Кöні комсомолецјасöс абу котыртөма обороннöј зна-чокјас вылö нормајас сдәј-төм вылö, кöні оз ужавны стрелковöј кружокјас, кöні абу лөсөдчөма фізкультурнöј городок,—сені комсомол-скöй организација ужалö слаба, сїјö организацијаыс торјөдчөма несојузнöј том-јөз массаыс.

Көт і жал, но сещөм организацијајасыс мїјан ем-бс-на. Та јылыс вїсталöны көт-нын ташöм лыдпасјас, мїј Сыктивкарын 1500 са-јас комсомолецыс сөмын 597 морт сулалöны Осоавіа-хімса шленјасөн. А імеітöны „Ворошіловскї стрел-лок“, значокјас—2-öд сту-пенаöс сөмын... 4 морт, первој ступенаöс 211 морт да ПВХО значокјас—373 морт. Тајö лыдпасјасыс вїсталöны сы јылыс, мїј карса первїчнöј комсомол-скöй организацијајас да мед-воз горкомол зїкөз дүгдїс-ны займајтчыны томјөз пöвсын обороннöй уж пас-көдчөмөн, леісны тајö зев-важнöј делсö вреднöј само-ток вылö.

Абу буржык положеніе-ыс і сїктса организација-сын, торјөн колхознöјјасын.

Быд комсомолскöй орга-низацијалөн мог—ВЛКСМ-лы XX во тыріг кежлö лөсөдчөмын, паскөдны да јонмөдны комсомоллыс обо-роннöй уж, кыскыны тајö ужас став комсомолецјасöс да томјөзсö, отсавны обо-роннöй организацијајаслы і медвоз Осоавіахімлы налөн быдлунја ужын. Музлытöг разјаснајтны Сталин јорт-лыс індөдјассö капіталістическöй кычалөм јылыс да мїјанлыс Краснöј Арміја, Краснöј Авіаціја да Осоавіа-хім јонмөдөм јылыс індөд-јассö.

Быд комсомолец должен помїтны да некор не ву-нөдны Ленинлыс великöј індөдсö, мїј „Мї оборон-ецјас 1917 во са нојабр 7 (октабр 25) лунсан. Мї „отечество дорјөм, вöсна, но сїјö отечественнöј вој-наыс, кöдö мї мунам, ем војна социалістическöй оте-чество вöсна, социализм вöсна, кызі отечество вöс-на, Сөветскöй республика вöсна, кызі социализм все-мірнöј арміјалөн өтр'ад“.

СССР-са первој созыва Верховнöй Сөветлөн  
мөдөд ГессіјаСојузса Сөветлөн 1938 во са август 13-öд лунса  
заседаніе јылыс інформаціоннöй јуөртөм

Август 13-öд лунö, 11 час лунын, СССР-са Верховнöй Сөвет заседаніејас залын, Кремлын, муніс Со-јузса Сөветлөн којмөд за-седаніе.

Председателствутö—Со-јуз Сөветса Председателöс вежыс депутат Т. ф. Лы-сенко.

Сорнїтанторјасын—1938 во вылö СССР-са једінöј

государственнöј бјуджет јылыс доклад куза сорнї-јас.

Сорнїтисны депутатјас Н. Ј. Наталевїч (Слуцкöј округ, Белорусскöй ССР), В. М. Бакрадзе (Кутаїсскöј округ, Грузїнскöй ССР), А. ф. Ніканоров (Архан-гелскöј городскöј округ, Архангелскöј област), С. М. Шарафев (Менделеев-

скöј округ, Татарскöй АССР), А. С. Пірузан (Кїровабадскöј округ, Армїан-скöй ССР), С. М. Іванов (Улан-Удєнскöј селскöј ок-руг, Бур'ат-Монголскöй АССР) да К. І. Ніколајева (Калїнїнскöј округ, Калїнїн-скöј област).

Та вылын Сојуз Сөветса мөдөд Гессіјалөн којмөд заседаніе тупкысö.

Националностјас Сөветлөн 1938 во са август  
13 лунса заседаніе јылыс інформаціоннöй јуөртөм

Август 13-öд лунö 6 час рытын, СССР-са Верховнöй Сөвет заседаніејас залын, Кремлын, муніс Национал-ностјас Сөветлөн којмөд заседаніе.

Председателствутö—На-ционалностјас Сөветса Пред-седател Н. М. Швернїк.

Сорнїтанторјасын—СССР-лөн 1938 во вылö једінöј

государственнöј бјуджет јылыс доклад куза пренї-јејас.

Пренїејасын выступітис-ны депутатјас—М. А. Бур-мїстенко (Мајкопскöј еїкта-са округ, Адыгејскöј авто-номнöј област), А. М. Алї-ев (джулфїнскöј округ, Нахїчеванскöй АССР), А. Смагіна (Сталинабадскöј карса округ, Таджікскöй ССР), М. І. Ібраїмов (Бах-

чїсарајскöј округ, Крымскöй АССР), М. Јулдашев (Таш-кентскöј-Кїровскöј округ, Узбекскöй ССР), А. Г. Тах-таров (Махач-Калїнскöј карса округ, дагестанскöй АССР) да С. Атліев (Гард-жоускöј еїктса округ, Турк-менскöй ССР). Та вылын Националностјас Сөвет мө-дөд Гессіјалөн којмөд за-седаніе тупкысö.

Сојузса Сөветлөн 1938 во са август 14 лунса  
заседаніе јылыс інформаціоннöй јуөртөм

Август 14-öд лунö, 11 час лунын, СССР-са Верховнöй Сөвет заседаніејас залын, Кремлын, муніс Сојузса Сөветлөн 4-öд заседаніе.

Председателствутö—Со-јуз Сөветса Председателöс вежыс депутат Т. ф. Лы-сенко.

Сорнїтанторјасын—1938 во вылö СССР-са једінöј государственнöј бјуджет јылыс доклад куза пренї-јејас.

Пренїејасын выступітис-ны депутатјас В. В. Вере-дакін (Лукјановскöј ок-руг, Гор'ковскöј област).

А. Н. Нікітін (Боровїтскöј округ, Ленинградскöј об-ласт), М. А. Волков (Ба-лашевскöј округ, Саратов-скöј област) да СССР-са СНК бердын Высшöј школа делöјас куза Комїтетса Председател С. В. Кафта-нов јорт.

Пренїејас помасом бö-рын Сојузса Сөвет кывзö заклучїтелнöј кыв доклад-чїклыс—Фїансјас куза СССР-са Народнöј Комїс-сар А. Г. Эверев јортлыс да содокладчїклыс—Сојуз-са Сөвет бјуджетнöј ко-мїссїјаса председателлыс,

депутат І. І. Сїдоровлыс. Сесса Сојузса Сөвет вужö 1938 во вылö СССР-са једінöј государственнöј бјуджет гөлөсүтөмö да вынсөдөмö.


Сојузса Сөвет прїнїмај-тö депутат І. І. Сїдоров-лыс предложенїе гөлө-сүтны бјуджетсö раздел-јасөн, а разделјасын по-правкајас емлун дырїї—торја статгајасөн. Та бöрын мунö бјуджет разделјасөн да статгајасөн лыддөм да вынсөдөм.

## Том стахановец

Кыздін запанын (Јемдін рајон) ужалö кылөдчан уж-јас вылын комсомолец Ан-дреј Жїлін. Комсомолец Жїлін јорт аслас ужын

петкөдлö стахановскöј уж-лыс обраецјас. Сїјö сод-төдөн тыртö лунја норма-јас. Жїлін јортлөн öтї лун-ја уждөныс—30—35 шәјт.

Прөсткөдö сїјö рабочöј-јаслы лыддө гәзетјас да журналјас. Рабочöјјас пöв-сын Жїлін јорт ползүјтчö ыжыд авторїтетөн.



Танкјас мунöны Краснöј площадь вылөд.



## Кык вок

Кор јапонскөй војеншці на ускөдчыліс Сөөтскөй Сојуз былө, менам вок, Васа, шыөдчіс ме дінө:

— Ваң, вај мунам сал-невосточнөй фронт былө?

— Ладнө,—шуі ме,—вот мунам, кадыс воас-да.

Кадыс воіс. Матысмөны-нын сіјө лунјасыс, кор став мекөд щөщја сөөтскөй томјоз сувтасны прізывнөй коміссіјаяс воэө да вол-нужтөдмөн кутасны виччыс-ны коміссіјаяслыс решені-је.

Кушөм том морт оз мөв-пав Краснөй Армія јылыс? Быдөднлөн ем өтї заветнөй мечта—лоны танкістөн, лотчікөн, снајперөн, артіл-лерістөн. Ставлөн ем өтї заветнөй мечта дружіебн кіјасын віңны соціалістиче-скөй рөдіналыс непріс-тупнөй граніцајасө.

1938 во—медса шуда во міјан олөмын. Таво мі, кык вок, кутам прізывајтчыны доблестнөй Рабоче-Кре-станскөй Краснөй Армія радјасө. Ме—шофер, ужа-ла Коміторгын. Шоферөн ужалө і менам вок. Онї сіјө віңму овмөсса кадрја-сөс гөтөвітан республікан-скөй школаын шофер-ін-структор.

Васа мен вісталө:

— Ме көсја лоны тан-кістөн.

Ме сылы вочавіңа:

— Танкістөн лоа і ме.

Мі дасөс мунны Краснөй Армія радјасө. Менам мо-рөсын өшалө кујім обо-роннөй значок.

Став фашістскөй своралы лоас грознөйөн міјан танк. Сіјө пөщадатөг кутас бы-рөдны врагөс, кытыс көт сіјө оз мытчыс. Тајө лоас міјан,—кык воклөн танк.

Иван Сурвасев,  
комсомолец.



Снімок вылын: Комсомолец-прізывнөкјас Міхаіл Гурјев да Семјон Шарапов лагернөй сбор помалісны „отлічно“ былө.

## Прізыв—сіјө празнік

38 прізывнөкөс лөсөдө таво передајтны Рабоче-Крестанскөй Краснөй Армія радјасө Сыктывкар вөр-заводса коллектів.

Сыланкывјасөн, музыка-бн прізывнөкјас ыжыд рад-лундн локтасны прізывнөй коміссіјаб. Најө јонөс, гөж-јалөм чужөмбанаөс, кык-ку-јім обороннөй значокјасөн морөсаныс. Ыжыд волну-тана чувствөбн најө кутас-ны виччысны радујтана кыв: „Шогман!“

Вөрзаводса коллектів Краснөй Армія радјасө се-тө достојнөй пополнеңіе. Стахановец-обрезчік Плос-ков Александрлөн да ТЕС машиннөй өтделеніјеса ста-

хановец-машніст Філев Смітрїлөннїмјасыс төдсаөс став заводскөй коллектів-лы. Налөн нїмјасыс ез веш-јывны гөрд пөв вылыс. Ыжыд кыпыдлундн мунөны најө Краснөй Армія радја-сө.

Прізыв—сіјө лоас ыжыд празнікөн. Тајө лунас ку-тасны радујтчыны не сө-мын вөрзаводса прізывнөк-јас, но і вөрзаводса став рабочөјјас. Најө гордөјөс сіјөн, мыј мөдөдөны до-блестнөй Краснөй Армія радјасө ассыныс медбур піјанөс Сөөтскөй Сојузлыс свјашченнөй да непрікос-новеннөй граніцајас віңөм да дорјөм былө.

Јачменеv.

## Мі дасөс мунны Краснөй Армія радјасө

Матысмө шуда сөөтскөй томјөзлөн ыжыд празнік—Краснөй Армія радјасө прізывајтчан лун. Тајө шу-да луныс сөмын өтчыд ов-лө міјан олөмын.

Вөвлытөм радлунон тыр-ліс міјан сөлөмјасным, кор лыддїм војенкомлыс прї-каз 1917—1918 војасын чужлөм јөзөс Рабоче-Кре-станскөй Краснөй Армія рад-јасө прізывајтөм јылыс. Сіјө прїказнас коммуніс-тическөй партїја да сөөтскөй правітелство сетөны міјан-лы зев ыжыд дөверїе—ло-ны міјанлыс замечательнөй рөдіна дорјөсјасөн.

Прізывнөй пунктө мі лок-там отлічнөкјасөн. Осоавіа-хімовскөй лагерын велөдчї-гөн мі „отлічно“ былө сдәјтї учебнөй предмет-јас. Кујімнанымлөн міјан морөсјасын өшалөны нол обороннөй значокөн ГТО,

ВС, ПВХО да ГСО. Лагер-са командованїјесаң полу-чїтїм благодарностјас.

Мі дасөс мунны Крас-нөй Армія радјасө. дасөс талунсаң-жө бөстны кіјасө винтовка, пулемјот, сөвны танк былө, самолет былө. дасөс талун-жө сетны фа-шістскөй радјаслы чорыд отпор.

Абу ыжыдчык шуд, кы-тї служїтны сөөтскөй на-родлы. Мі, Великөй Октабр-скөй соціалістическөй рево-лүціјалөн ровеснїкјас, көс-јам честнөја служїтны ас-ланым соціалістическөй рө-діналы, великөй сөөтскөй народлы. І лок лөб налы, кодјас лыгтасны нужөдны ассыныс вірөс кіјасө міјан рөдіна былө.

Прізывнөкјас—Иван Муравјов,  
Иван Ватаманов да  
Васїлј Чеусов.

## Вөлі стахановецөн—лоа отлічнөк-бојөцөн

Мі, прізывнөкјас, медса шуда јөз. Некемын лун мыстї мі локтам прізывнөй пунктјасө прізывајтчыны Краснөй Армія радјасө. Ыжыд чест усө міјан былө—віңны соціалістическөй отечество фашістскөй на-лотчікјасыс. Мі дасөс сув-тны міјан рөдіна дорјөм вы-лө. Оз весшөрө сывсы мі-јан сыланкывјын:

„Аскї панөас-кө тыш, враг-кө кы-пөдас грөз,  
Міјан му былө воас-кө гадыс,—  
Мезмөм му вөсна сек Сөвет му-  
ыс став јөз,  
Кытї өтї морт сувтасны радө“.

Прөизводство вылын ме-ужалї стахановскөја, но сы-көд өтщөщ ме ыжыд зілө-мөн велөдї војеннөй делө,

дастї ачымөс рөдіна дор-јїг кежлө. Морөс вылын менам өшалөны обороннөй значокјас. „Ворошіловскөй стрелок“ значок былө нор-мајас сдәјтїгөн, став пула-сө ме ыстї пасө. Сїңи-жө ме кута владејтны винтовкаөн, фашістскөй радјас-кө лыс-тасны ускөдчыны міјан прекраснөй рөдіна былө.

Прізыв кежлө ме дас. Ыжыд долыдлундн вітчыса ме тајө ыжыд празніксө. Прөизводство вывса станок ме вежа бојөвөј техника былө. Вөлі стахановецөн—лоа отлічнөк-бојөцөн.

Афанасїј Јуркін,

Сыктывкарскөй вөрзавод-са стахановец-рамшчік.

## МУЖЕСТВО ОТВАГА да БІГІТЕЛЬНОСТ

Лєнін орде́на Н-скөй морскөй отр'адса погра-нїчнїкјас бөітелнөја віз-ны сөөтскөй рубежјас. Не-важөн өтї јапонскөй посо-локын, кодї матын сөөт-скөй постсаң, погранїчнї-јас азїсны јапөнецјасөс, кодјас вөлі пастасөмаөс маскіровочнөй халатјасөн. Најө матыстчїсны сөөт-скөй терріторїјалаң, мест-ностсө бїнокл пыр візөдө-мөн. Јапөнецјасыс өтї тор-јөдчїс группаыс да регыд вошіс. Тајө ез вош сөөт-скөй погранїчнїкјас вніма-нїје улыс.

Погранїчнөй застава-са началнїк јонмөдіс наблу-дателнөй пунктјас. Нар'а-дын старшөй погранїчнїк Иван Мехов, щем вөрө зеб-сөмөн, водїс сопка под дїнө. Быд куст бура візө-дөмөн, сіјө азїс гөптөыс кысыс мортөс. Полөмөн гөгөр візөдөмөн, төдтөм морт мунїс сөөтскөй тер-

рїторїја пыщкө. Зїк шум-төг мунны старајтчөмөн, Иван Мехов пыріс гранїца нарушітыслы тылө, сөсөа терыба чеччыштїс да ус-көдіс сіјөс муб. Нїөтї лы-јөмтөг вөлі кутөма іно-страннөй разведкаса төд-чана шпїонөс. Сылыс мыр-дөма кїнжал да стрїхнїн тыра дас пакет. Следствї-је вылын шпїон сознајт-чїс, мыј сіјөс вөлі мөдө-дөма заданїјебн отравїтны скөтөс да водојомјас.

Мөд местнөй погранїч-нїк Клопов јылыс артмїс слава, кытї музлытөм сле-допыт, замечательнөй бојөц јылыс. Машністлөн вөв-лөм отсасыс Клопов јорт-бојөвөј да політическөй ве-лөдчөмын отлічнїк, актив-нөй обществєннїк. Неөт-чыд сылы ковмыліс пет-көдлыны асыс мужество-сө да повтөмлунсө враг-көд паныдаслїгјасөн. Бөр-ја вожын чөжөн сіјө кујї-мыс кутліс шпїонјасөс да дїверсантјасөс.

Участок вомөн, көнї сы-лөн наблудателнөй постыс, нарушітелјаслы сөкыд прө-ј-

дїтны. Неважөн гранїца мөдар бокын море берег вылын погранїчнїкјас аз-їсны гулајтыс мужчінаөс да нывбабаөс. На бөрсө вөлі лөсөдөма дурдывтөг візөдөм. Вөлі азөма, мыј мужчінаыс мыј јылыс-кө пөса бесөдујтїс нывбаба-көд, кїнас сөөтскөй гра-нїца былө індөмөн. Берег бердса скалајас сәјө зеб-сөмөн, Клопов өтделоннөй командїр Глушкөкөд да бојөц Соломїкөд өтлаын вөчісны засада. Најө візө-дісны, кытї, нывбабаөс ко-лөмөн, нарушітел кысө-мөн кутїс мунны ізјас ко-стөд, погранїчнөй пост кы-шовтны зілөмөн. Погра-нїчнїкјас орөдісны сылы тујсө. Часжын мыстї сіјө вөлі кыщын. Клопов со-образїтелностөн, муже-ствоөбн да енергїјаөн вөлі кутөма ыжыд шпїон-дївер-сант. Командованїе не өт-чыд премїрујтліс Клопов јортөс отлічнөй бојөвөј да політическөй подгөтовкаыс.

Н-скөй погранотр'адса медбур јөз пөвсын лыддыс-сө і погранїчнїк Андреј Ло-бојко. Погранїчнөй заста-ваын сіјө нуөдө пөварлыс обязанностјас. Тајө мїрнөј ужыс оз мешајт сылы, век-

жө, мукөдјаскөд өтщөщ нуөдны гранїцајас бөітел-нөја візөм. Кујім төлыс сәјын заставасаң кілометр ылаын, горнөј ју јылын гулајтїгөн, Лобојко азїс кодлыскө подозрїтелнөй следјас. Та јылыс пост былө јүөртөм бөрын Ло-бојко бојөц Коноваловкөд өтлаын бөстчїсны следї-тны, кытчө нуөдө сіјө след-ыс.

Војбыд мунїсны погра-нїчнїкјас, ју, нурјас, крутөј сопкајас вужөмөн. След вәјөдіс најөс еновтөм барак дїнө. Сөтыс најө азїсны гранїца нарушітысјасөс, кодјас спокојнөја уысны, асланыс безөпасностын уверєннөјөс. Кутөмјас ока-жїтчїсны іностраннөй раз-ведкаса шпїонјасөн. Погранїчнөй отр'ад куза спеціалнөй прїказөн погранїчнїк Лобојкоөс да Коноваловөс вөлі награді-төма. Лобојко сетїс шыөд-чөм сіјөс погранїчнөй вој-скаө пожїзненнөй служба былө колөм јылыс. Сіјө лөсөдчө лоны младшөй командїрөн.

Неважөн танї вөлі ташөм случај. Војын погранїчнї-јас Савелјев да давїденко

сулалїсны дозорын, море берег візөдөмөн. Берег бердса полосалөн віңјасыс вөлі муртса төдчөны. Пе-мыдөн ползујтчөмөн, нару-шітел мышку сәјас вөщө-вөј мешөкөн, копыртчө-мөн, матыстчїс береглан. Море дїнө леччысјас Савел-јев да давїденко горөдісны сылы. Сіјө ускөдчїс котөрт-ны, заводчїтчїс вөтчөм. На-рушітел да погранїчнїк-јас костын расстојанїеыс пыр чїніс. Азөмөн, мыј сылы не мунны вөтөдөмыс, нарушітел чеччыштїс јї былө да ускөдчїс котөрт-ны. Погранїчнїкјас ез колч-чыны сыыс нїөтї шаг. Секї нарушітел чеччыштїс јук-мөсө. Олөмнас рїскујтөмөн, погранїчнїкјас ускөдчїсны сыс бөрсө, кыскїсны сіјөс да вәјөдісны заставаб. Сіјө окажїтчїс іностраннөй раз-ведкаса ыжыд шпїонөн. Орде́ноноснөй отр'адса погранїчнїкјас, погранїчнөй заставајасын пост вылын сулалөмөн, суса візөдөны гранїца вің бөрсө. Нїөтї јапонскөй шпїон, лазутчік оз вош најө сїнвозыс. Сөөтскөй салнеј Восток віңөм надожнөй да крепыд кіјасын.

М. ТАМАРІН.



## Сыктывкарса комсомолскөй активлөн собраније

Август 14-өд лунса ытын Сыктывкарса Стройтехникум залын муні карса комсомолскөй активлөн собраније, көні обсуждайтисны ВЛКСМ горкомса 4-өд пленумлыг шудмјас.

ВЛКСМ горкомлөн 4-өд пленум тырвыјо донјалис горкоммоллыг ужсө комсомолецјас да несојузнөй томјөз пөвсын политическөй образованије котыртөм куза да Ленинскөй комсомоллы 20 во тыран јубилеј кежлө тырмытөма лөсөдчөм куза. Пленум вештис уж вылыс ВЛКСМ горкомса политучеба отделејн јуралыс Тимонин јортөс, кызи ужон справлатјчытөм мортөс.

ВЛКСМ горкомса секретар Палкин јорт доклад бөрын комсомолецјас да комсомолкајас асланыс сорнын јоса критикүтисны горкоммоллыг тырмытөм ужсө. Најө ставныс пасјисны ВЛКСМ горкомлыг политучеба делөдн да Ленинскөй комсомоллы 20 во тыриг кежлө лөсөдчөмдөн омөла вескөдлөмсө да ошкисны ВЛКСМ горком 4-өд пленумлыг шудмјассө.

— Став ужсө, — висталис кирпичнөй завод бердса комсомолскөй организацијаса секретар Молчанов јорт, — ВЛКСМ горкомса политучеба отделејн јуралыс Тимонин јорт лејис ас визув ылө. Ез вөв комсомолскөй политучеба бура пуктөм ылө вескөдөма вниманјесө і горкомса секретар Палкин јортлөн. РСФСР-са да Коми АССР-са Верховнөй Советјасө бөрысөмјас дырји Сыктывкарын ужалисны 500 сајас морт пропагандист да агитатор. Горком өні тајө јөзсө воштіс. Агитаторјас оз ужавны. Сіз, мијан комсомолскөй организацијаын

уна комсомолецјас ужалисны агитатордөн. Но өні оз ужав ниді морт. Сөрт, тајө успокоитчөмас мыжа шөщ і ме, но некушөм мерајас агитационнөй ужлыг успехсө закрепитөм куза ез приміт і ВЛКСМ горком.

Политучеба донјавтөм јылыс висталис і Сыктывкар пристаң бердса комсомолскөй организацијаса комсомолка Шучалина јорт.

Комсомолскөй организацијаса секретар Ладанов јорт, — висталө Шучалина, — политучеба донјалө омөла. Торја комсомолецјас, кодјас имеитөны среднеј образованије, кызи комсомолец Капустинскіј, гежөда воливлөны занатіјас ылө. Ладанов нақөд олө мортө. Дасөти комсомолец пөвсыс занатіје ылө воливлөны сөмын 9 морт. Собранијејас сіз-жө оз овливлыны. Ладанов мөвпалө сіз: „Ме-пө подчїнајтча политотделлы, а Горкомлы-пө мидө делө абу“. Ми көсјам өблөмсан велөдчыны, көсјам овладејтны болшеви́змөн но сещөм секретарјасыс, кызи Ладанов јорт, зугбны мијанлыг велөдчөм-нымсө.

Горкоммоллыг ужсө јона критикүтисны і комсомолецјас Секушин, Стрекалов, Желсејев, Игнатов, Безгодов јортјас да мукөдјас.

Ыжыд речөн собраније вылын выступитис Сыктывкар ВКП(б) горкомса көймөд секретар Турышев јорт.

Аслас шудмын комсомолскөй собраније зөннас ошкис ВЛКСМ горком 4-өд пленумлыг шудмјассө да примітис практическөй меропрїатіјејас политучеба котыртөм јылыс да пропагандистјаскөд ужалөм јылыс ВЛКСМ ЦК-лыг неөтчыдја индөдјассө олөмө пөртөм куза.

## Комсомоллы менам пөдарок

Тавоса гождөм ме бура даҕажаа коллалі пионерскөй лагерын. Лагерын-жө ме пыри пионерө. Тајө меным зев кывкутана да почотнөй ым.

Пионерө пырөм бөрын ас вөзө сувтөді мөг—лоны значкїстөн. І тајө мөгсө ме пөрті честөн: сдәјтн нормајас ПВХО, БГТО, БГСО да ЈуВС значокјас ылө.

Лагерын прөст кад вөлі котыртөма бура. Унаыс кывзылім беседајас Китајын да Испанијаын војеннөй фејствијејас јылыс. Таыс кынзи велөдөм уна сылан-кывјас: „Москва“, „Ели завтра война...“, „Песня о Сталине“ да с. в.

Матысөм Ленинскөй комсомоллы 20 во тыран лун. Ме кызи пионер тајө лун кежлас мијан вожатөјлы—комсомоллы, лөсөда пөдарок: тавоса велөдчөм воын велөдчыны сөмын „хорошо“ да „отлично“ ылө. Та ылө мијан став условіејас емөс.

Пионер Ив. Гем. Желфимов.

Нөбдїнса детдом, Шојнаты район.

## Лөсөдчөны теорітическөй рыт кежлө

Мылдинын август 6-өд лунө муніс вөсса комсомолскөй собраније РСДРП-лөн мөдөд сјездлы 35 во тырөм јылыс вөпросөн. Собраније вылын вөлі 98 морт, на лыдын 62 комсомолец.

Мылдин рајцентрса комсомолецјас өні паскыда лөсөдчөны РКСМ-лөн первөй сјезд јылыс теорітическөй рыт кежлө, кодөс лөб нүдөдма август төлысө мөдөд декадаын.

Колегов.

## Босталөны конкретнөй көсјысөмјас

Мылдин рајонса первөчнөй комсомолскөй организацијаса комсомолецјас ыжыд кыпыдлунөн обсуждајтөны Сталин јорт нїма Московскөй Автозаводса том стахановецјасыс да специалистјасыс Советскөй Сојузса став томјөз дінө шыөдчөм да ас выланыс босталөны конкретнөй көсјысөмјас рөдіна-мамлы пөдаркїјас лөсөдөм куза.

Калинн нїма колхозыс комсомолец бригадир Іља Пыстин Ленинскөй комсомоллы 20 во тыран лун кежлө пөдарокдөн көсјысө вөчны: сөкыс вөз ештөдны турун пуктан да урожај ідралан ужјас став културајас куза.

РКК бердса первөчнөй комсомолскөй организацијаыс комсомолец Шуктомов јорт бөстис көсјысөм сдәјтны І ступена „Ворошиловскөй стрелок“ значок ылө нормајас да гөтөвїтны ВС значок ылө нормајас сдәјтг кежлө 2 мортөс да ПВХО значок ылө 3 мортөс.

Рајсојуз бердса первөчнөй организацијаыс комсомолец Куткин (комїтетса секретар) көсјысө селмагыс III-өд кварталса план тыртны сентябр 20-өд лун кежлө да сентябр 1-өй лун кежлө сдәјтны нормајас ГТО да ПВХО значокјас ылө.

Кыжнөй магазінын ужалыс комсомолец Рогов

јорт көсјысөс III-өд кварталса план тыртны 120 прөцент ылө да сдәјтны нормајас ВС да ПВХО значокјас ылө.

Пошта вылын ужалыс комсомолец Кїрушев јорт бөстис көсјысөм сентябр 1-өй лунөз населенїе пөвсын разөдны централнөй, республиканскөй да рајоннөй газетјас 60 екземпляр да сдәјтны ПВХО, ГТО да ВС значокјас ылө нормајас.

Рајгазет редакціја бердса организацијаыс комсомолка Јудїна Васїлыса көсјысө наборшїкјасыс кыпөдны уж качество да сдәјтны ПВХО значок ылө нормајас.

Мылдин рајонса комсомолецјас, комсомолкајас да несојузнөй томјөз тырөмаөс көсјөмдөн достојнөја встевїтны Ленинскөй комсомоллы 20 во тыран лун да тајө історическөй дата кежлас рөдіна-мамлы лөсөдөны ценнөй пөдаркїјас.

Мылдинса ВЛКСМ рајкомлөн да став первөчнөй комсомолскөй организацијајаслөн мөгыс сыын, медем тырвыјө отсавны комсомолецјасыс ассыныс көсјысөмјассө олөмө пөртөмын, нөшта јонжыка паскөдны автозаводөцјасыс тајө замечателнөй вөзмөстчөмсө да шөдөдны выл гырыс вермөмјас.

ВЛКСМ рајкомса секретар—А. Колегов.

## Комсомолецјасан отсөг абу

Зөвсертса „Севернөй полана“ колхоз (Јемдін рајон) омөла лөсөдчө нан урожај ідраліг кежлө.

Колхозјасын емөс і комсомолецјас, но насаң некушөм отсөг абу. Комсомолкајас Попова, Козлова

да Щепетева јортјас, тыдалө, мөвпалөны, мыј колхозын уж бурмөдөм сіјө абу налөн делө. Најө сіз-жө көтіагитаторјас, но колхозныкјас да колхозницајас дінө ез-на петавны.

Ар. Новіков.

## РКСМ-лөн V-өд сјезд

(ИСТОРИЧЕСКӨЙ СПРАВКА)

Комсомоллөн V-өд сјезд муніс 1922 вөса октябр 11—19-өд лунјасө.

Тајө кад кежлас мијан странаса ужалыс јөз, Ленин—Сталин партија вескөдлөм улын, шөдөдісны-нын новөй экономическөй политика дугдывтөг олөмө пөртөм подув вылын төдчана результатјас социалистическөй строїтельство фелдын, страналыс народнөй овмөссө востановїтан да јонмөдан фелдын. Кыптисны социалистическөй промышленностлөн уделнөй весыс да ведушөй ролыс. Заводїтчїс візму овмөслөн кыптөм. Јонмїс советскөй республикајасса народјаслөн дружба. 1922 во помын Ленин да Сталин вөзмөстчөм сертї советскөй республикајас добровольнө отувтчїсны Советскөй Социалистическөй Республикајас Сојузө.

Партијалөн XI-өд сјезд вылын 1922 вөса апрелын В. І. Ленин сувтөдіс партија вөзө мөг—паскөдны тыш народнөй овмөсын капиталистическөй элементјас-

өс социалистическөй элементјасөн венөм вөсна, социалистическөй экономикалыс фундамент строїтөм вөсна, рабочөй класслыг ужалыс крестанствокөд сојуз јонмөдөм вөсна, социалистическөй промышленност да візму овмөс костын смычка котыртөм вөсна.

Комсомол активнөја участвувїтис социалистическөй строїтельство куза партијалөн став ужын. Но 1921—1922 војас кадколас тө комсомол ужын вөліны і отрицательнөй јавленїејас. Сїјө петкөдчїс торјөн сыын, мыј сојузса шленјаслөн лыдыс чїніс 415 сурсаң 1921 воын 260 сурсөз 1922 во пом кежлө.

Партијалөн XI-өд сјезд, кодї обсуждајтис комсомол уж јылыс вөпрос, ташөм ногөн урчїтис сөкыдлунјасыс характер, кодјасөс перөживајтис сојуз: „Уна организацијајасын бөрја кадын сојузса шленјас лыдлөн чїнөм објаснајтсө томјөзөс строїтельство вылыс увөлиталөмдөн, унасікас мобїлизацијајасөн сојуз слаб-

мөмдөн да с. в., а главнөјыс — томјөзлыг запросјасөс удовлетворајтөмө сојузлөн тырмытөма прїспосөбітчөмдөн. Отшөщ тыдалө рабочөй јуношество ылө РКСМ вліјанїелөн слабөм“.

Партијалөн XI-өд сјезд примітис некымын зев важнөй шудм комсомол уж јылыс. РКСМ јылыс вөпрос куза резолюціјаын XI-өд сјезд гїжіс, мыј „РКСМ, кодї ем коммунистическөй воспитаније куза массөвөй организација, служїтө партијалы рабочөй да крестанскөй томјөзлөн паскыд слөјјас ылө коммунистическөй вөзфевствїе да вліјанїе куза вынїдра өрудїејөн“.

Производство ылө томјөзөс колөм мөгыс партијалөн сјезд примітис шудм рабочөй подростокјасыс нормалнөй прөцент предпрїатїејас куза забронїрујтөм јылыс, условїејас лөсөдөм јылыс, кодјас колөны охрана трудаыс став нормајассө олөмө пөртөм ылө, рабочөй томјөзлыг уж да образованије

реорганизујтөм јылыс. Сјезд төдчөдіс, мыј комсомол должен сувтөдны паныд томјөз пөвсын мелкобуржуазнөй стїхїјалөн разлагатан вліјанїелы да контрреволюціоннөй партијајаслөн на пөвсын вліјанїе лөсөдны зїлөмјасы—решїтелнөй тыш враждебнөй элементјаскөд да енергїчнөй культурно-политическөй уж, кодї лөсәлө томјөз запросјасы. Сјезд індіс, мыј комсомолскөй организацијајас сїктын долженөс лоны партијалөн да советскөй властлөн опорнөй пунктјасөн. Сјезд шөктис партијнөй организацијајасыс обөспечїтны ыжыд отсөг комсомоллы сылыс ужсө вьл условїејасө лөсөдан фелдын.

Партијалөн XI-өд сјезд вылын РКП(б) ЦК-лөн политическөй отчет куза заключїтелнөй кывын В. І. Ленин јоса сувтөдіс вөпрос томјөзөс воспитајтөм јылыс, томјөзлы обшчественнөй наукајас куза марксистскөй учебникјас лөсөдөм јылыс.

Партија XI-өд сјездлыг шудмјассө вөлі пуктөма РКСМ V-өд сјездлөн уж подулө.

РКСМ-лыс V-өд сјезд чукөртан кад кежлө, 1922 во пом кежлө, партија да советскөй власт вөчїсны зев ыжыд уж. Сы мөгыс, медем бурмөдны рабочөй томјөзлыс экономическөй положенїесө да колны томјөзлыс кадрјас строїтельство ылө, советскөй правїтельство лејїс некымын законодательнөй акт, кодјас візїсны томјөзлыс ужсө да здоровїесө, пыртїс подростокјасыс брона, паскөдіс ФЗУ-јасыс сет да с. в. Такөд ітөддын сојузлыс вніманїесө вөзөа дорыс төдчөмдөн јонжыка пөзө вөлі вескөдны активкөд воспитательнөй уж пуктөм ылө, томјөз пөвсын массово-политическөй да культурнөй уж паскөдөм ылө. Тајө вөпросјасөс подробнө обсуждајтис РКСМ-лөн V-өд сјезд.

Сјезд вылын прїсутствувїтисны 317 делегат. Сјезд сорнїтанторјасын сулалїсны ташөм вөпросјас: республикалөн междунороднөй да пышкөсса положенїе

(Помсө візөд 4-өд лїстө).

Коми комсомолец № 112 — 3



## Авіамоделістјас- лөн 12-öd став- сојузса слот

Кык был рекорд

КОКТЕБЕЛ 14. Авіамо-  
делістјаслөн 12-öd ставсо-  
јузса слотлөн став стар-  
твөй площадкајас вылын  
мундө напр'аженнөй тыш вы-  
лын показателјас вöсна.

Тöрыт модел лебзөмјас  
кысөснөй пöштө пемыдöз,  
вöлө вöчöма 600-ыг унжык  
старт. Откымын плöщад-  
кајас вылын лебалöма не-  
кымын час.

Август 13-öd лундө устано-  
витöма кык был ставсојузса  
рекорд. Р'абчиков Вова  
(Москва) самолетлөн схема-  
тичөскөй модел оліс сынöд-  
ын 10 минут 46,2 секунд.  
Тайö результатыс минутыг  
унжык вевтыртö вöзгө  
ставсојузса достөженіе.  
Ташöм-жө модел Ёйколај  
Олејніковлөн (Хар'ков) леб-  
зис 840 метр, вöзгө став-  
сојузса рекорд 235 метр  
былө ордöмөн.

## Фашистскөй запра- вилöјас требуйтöны Испанскөй Марок- коын мобілізація јавитöм

ПАРИЖ, 14. Еспаң агент-  
ство јубртö, мыј испанскөй  
Мароккоса верховнөй комис-  
сар, фашистскөй Германи-  
јалөн ставленник—Бер-  
бебер германскөй техничөс-  
көй советникјас вöмдөстчöм  
серти примитис решеніе  
требуйтны Испанскөй Марок-  
коса калифлыс јавитны став  
марокканецјас мобілізуй-  
тöм, кодјас вермöны новлөд-  
лыны öрүжіе. Лыддöны,  
мыј тайö мераыс ем гырыс  
сöкыдлунјаслөн резултат,  
кодјаскөд паныдасöны испан-  
скөй фашистскөй советникјас-  
лөн властјас марокканецјас-  
öс арміјаб вербуйтöмын.

## РКСМ-лөн V-öd сјезд

(ПОМ)

Јылыс, томјöзлөн Комму-  
нистическөй интернационал  
јылыс, РКСМ ЦК-лөн от-  
чотнөй доклад, новöй эконо-  
мическөй положеніе усло-  
віејасын томјöзöс комму-  
нистическөйа воспитатöм  
јылыс, сиктын ужалöм јы-  
лыс, рабочöй томјöз öб-  
разованіе јылыс.

V-öd сјездлөн тöдчан-  
луныс сын, мыј сійö пас-  
кыда сувтöдис новöй эконо-  
мическөй политика усло-  
віејасын томјöзöс комму-  
нистическөйа воспитатан  
вопросјас.

Сјезд примитис некымын  
шубöм сојузын марксистскөй  
образованіе да культурнөй  
уж пуктöм јылыс. Сјезд  
indis, мыј сиктын став ком-  
сомолскөй организацијас  
долженöс активнöйа участ-  
вуйтны советскөй строите-  
лствоын, долженöс паскөд-  
ны крестанскөй томјöз  
пöвсын массово политичөс-  
көй да культурнөй уж.  
Сјезд выдвинитис предложө-  
ніе крестанскөй томјöзлыс  
школајас котыртöм јылыс.  
V-öd сјезд пуктис заводит-  
чöм детскöй коммунистичес-



Республиканскөй Испанијаын. Снімок вылын: Республиканскөй арміјаса  
пулемјотчикјас Ебро јувывса зона передовöй позіціјајас вылын.

## Хасан ты рајонын событіејас јылыс

СССР-са да Јапоніјаса  
военнөй представителјаслөн  
тавога август 11-öd лундө  
первој встреча дырји СССР-  
са военнөй представителја-  
сөн вöлі висталöма, мыј ав-  
густ 13-öd лунга 13 час 30  
минутын (местнөй кад сер-  
ти) боевöй действејас ду-  
гöдöм былө вöзöдтöг, јапон-  
скөй војскалөн част нару-  
шитис переміріе јылыс со-  
глашеніе да, переміріенас  
восползуйтчöмөн, мунис во-  
зö 100 метр был да бос-  
тис Заозернөй высота (Чан-  
куфын) војвыс скатлыс  
част СССР-са военнөй  
представителјас протөст  
былө вöзöдтöг да јапонскөй  
војскаöс најö важ позіціја-  
јас былө пырыстöм-пыр  
вөштöм јылыс најö требо-  
ваніе былө вöзöдтöг, јапон-  
скөй военнөй представител-  
јас категорическөй откажит-  
чисны пöртны олöмө тайö  
законнөй требованіесө. Сы  
вöсна, мыј indis участок  
вылас кыкнан стороналөн  
војскаыс матыстчисны 4—5

метрöз да вооружоннөй  
столкновениеје вермис сті-  
хінöја бара пангыны лубöй  
кадö, кыкнан сторонаыслөн  
военнөй представителјас  
места вылын шуисны обо-  
јуднöјавөштыны тайö участ-  
ток вылас 80 метр былө  
бöрö кыкнан сторонаыс  
војскаöс. Та јылыс дөне-  
сеніе получитöм бöрын  
советскөй командованіе  
далнеј Востокаын переміріе  
јылыс кырымалöм соглаше-  
ніекöд лöсалöмын сетис  
распор'ажөніе мјанлыс  
частјас наöн занімајтан  
вöзгө позіціјајас былө, ко-  
дöс најö занімајтлысны ав-  
густ 10-öd лунга 24 часын,  
пыр-жө бергöдöм јылыс,  
јапонскөй војскаöс бöр  
вөштöм јапонскөй предста-  
вителјасан требуйтны indis  
дöмөн. Тайö распор'ажөні-  
есө мјан командованіеөн  
вöлі пöртöма олöмө пыр-  
жө.

Отшöщ Иностраннөй де-  
лöјас куза Народнөй Комис-  
сар Литвинов јорт indis  
јапоніјаса посол г. Гігеми-  
цулы јапонскөй војскаөн  
переміріесө тайö наруши-  
тöм былө, тайö участок вы-  
лас 100 метрыс неөшажык  
былө бöр вөштöм требуй-  
тöмөн, предупредитöмөн,  
мыј тайöс-кө оз ло пöртö-  
ма олöмө, то СССР-са пра-  
вительство кутас лыддыны  
переміріе нарушитöмөн Ја-  
поніја мыж куза.

Öнiја кад кежлө јапон-  
скөй војска бöр вөштöма  
вылын indis пунктгыс.

Август 12-öd да 13-öd  
лунјасö вöлісны был встре-  
чајас СССР-са да јапоніјаса  
военнөй представителјас-  
лөн, кодјас стöчмөдисны  
кыкнан сторонаса војска-  
лыс расположеніесө.

Но, СССР-са военнөй  
представителјаслөн предло-  
женіе былө август 13-öd  
лундө кырымавны протокол  
да карта, кодјас фиксируй-  
тöны кыкнан сторонаса  
војскалыс расположеніе,  
јапонскөй военнөй пред-  
ставителјас откажитчисны  
тайöс вöчны, висталöмөн,  
мыј најö виччысöны indis  
јас асланыс высшöй начал-  
ствосан, да мыј, тыдалö,  
воас та могыс мөд, јонжы-  
ка авторитетнөй комиссіја.

Та вылын кыкнан сторо-  
наыслөн военнөй предста-  
вителјас торјöдчисны.

Август 14-öd лундө был  
встречајас ез вöвны.

Конфликт рајонын öнi  
спокојнө.

Август 13-öd лундө јапон-  
скөй военнөй представител-  
јас предложөніе серти да  
СССР-са военнөй предста-  
вителјас сöгласіеөн вöліс  
шојасөн мөдө-мөд костын  
вежласöм.

Командованіе арталöм  
серти советскөй сторонаын  
вöмјас лоисны 236 морт  
да ранитчöмјас 611 морт.

Мјан командованіе дон-  
јалöм серти јапонскөй војска-  
лөн воштöмјас воöны вöд-  
мөн 600 мортöз да ранитö-  
мөн 2500 мортöз.

(ТАСС).

## 85-öd германскöй самолет Чехословацкөй террiтöрия вестын

ПРАГА, 14. Германскöй  
самолөтјасөн чехословац-  
көй граница вужöмјас бöрја  
каднас лоины быдлунаöн.  
Август 13-öd лунга 10 час  
асылын германскöй военнөй  
самолөт вужіс граница Та-  
хова кар дорті (рытывыв  
Чехіја) да 2 час гөгöр ле-

баліс пограничнөй рајонса  
населоннөй пунктјас вөсттi.  
Самолөт лебаліс 500 метр  
вылнати. Тайö германскöй  
военнөй самолетјасөн бöрја  
кык тöлыс да жынјөн че-  
хословацкөй граница вомөн  
шщöт сертыс 85-öd леб-  
зылöм.

## Германија мөдөдö Испанијаö далнобојнөй öрүдiејас

ПАРИЖ, 13. Еспаң агент-  
ство јубртö, мыј лун-мөд  
сајын германскöй судно  
ректис Пасахөсын (Бискај-

скöй залывын порт) 8 дал-  
нобојнөй артиллеріјскöй öрү-  
дiе.

## Испанија фронтјас вылын

(Парижсан ТАСС јубр-  
тöмјас серти)

АСЫВВЫВ ФРОНТ

Оборона куза испанскöй  
министерстволөн август 13-  
öd лунга официалнөй свод-  
ка серти, республиканскöй  
војска тырвыжө венисны  
прöтивниклыс упорнөй ата-  
кајас. Серге ју вескыд-  
ыв берг дорын республи-  
канскöй позіціја вылын ин-  
тервентјас да мјатежникјас  
бостисны гырыс воштöм-  
јас.

Ебро секторын интер-  
вентјас вöзö нудисны ата-  
кајас, республиканецјас по-  
зіціјајас былө Пандос гөра  
дорын, кодјас дырји бос-  
тисны гырыс воштöмјас.  
Танкјас, авиација да артил-  
леріја отсöгөн прöтивниклыс  
удайтчыліс бостны 671 вы-  
сота, но регидөн республи-  
канскöй војска шыбытисны  
интервентјасöс 671 высота  
вылыс, тöдчымөн уна во-  
евнөй материалјас да плен-  
нөјјасöс бостöмөн.

Лунтыр республиканскöй  
авиација лебаліс асыввыв-  
фронт вылын, интервент-  
јаслыс самолетјас вöтла-  
лөмөн.

ЦЕНТРАЛНӨЙ ФРОНТ

Фронтлөн естремадур-  
скöй участок вылын интер-  
вентјаслы удайтчис бостны  
пик Кабесуела да пик Сес-  
терос—Торосо гөра сек-  
торын (Кабес дел Буејас-  
асыв-војвылын). Пик Лас  
Вокас былө прöтивниклыс  
атакајас венöма республи-  
канскöй војскаөн. Интер-  
вентјаслы вöчöма тöдчö-  
мөн воштöмјас. Чорыд  
бојјас мунöны Сан Сімон  
высота вылын да Алиаыс-  
лунвылын.

Республиканскöй самолет-  
јас вывсан прöтивниклыс  
позіціјајас пулемјотыс лы-  
лігөн бöрјајассö вöлі ата-  
куйтöма 26 „Фиатөн“. Пан-  
гис бој, код дырји республи-  
канецјас ускөдисны 2 „Фи-  
ат“, öти истребител вош-  
тöмөн.

Мукöд фронтјас вылын  
некушöм вежсöмјас абудө.

\* \*

Еспаң агентство, колöм  
вежонын (август 6-öd лун-  
сан 13-öd лундöз) военнөй  
действејаслы итојас вöчö-  
мөн, пасјö, мыј паскыд  
фронт вылын, кодi мундө  
Теруелсан Піренејöз, на-  
ступателнөй вынјас мјатеж-  
никјаслыс жугöдöма сы вöс-  
на, мыј республиканскöй  
војска бура лöсөдисны да  
правилнöја нудисны асыныс  
операцијајассö, вöмдөстчöм-  
сö пыр асланыс кіјасын ку-  
тöмөн. Республиканскöй  
војска быд ногөн бырöдöн  
ны мјатежникјаслыс вын-  
јассö да заставлајтöны прö-  
тивник командованіејы шы-  
бавны војскајас öти сек-  
торыс мөдö.

Отв. редактор  
Г. И. ТОРЛОПОВ.